



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi 26/04, 19/07, 2/08 i 19/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i Prijedloga odluke dogradonačelnika broj: 30-000135/11 od 21. 6. 2011. godine, Skupština Brčko distrikta BiH na 50. redovnoj sjednici održanoj 7. septembra 2011. godine, donosi

## **ODLUKU O UTVRĐIVANJU JAVNOG INTERESA**

### **Član 1**

Utvrđuje se da je od javnog interesa za Brčko distrikt BiH rekonstrukcija prve dionice Savskog odbrambenog nasipa u urbanim područjima „Vučilovac“ i „Krepšić“ u Brčko distriktu BiH, za šta je potrebno izvršiti eksproprijaciju parcela koje će služiti kao pozajmište materijala, na dijelu zemljišta označenom kao k.č. broj 385, 386 K.O. Gorice, u Brčko distriktu BiH, prema Rješenju o lokacijskim uvjetima broj UP-I-22-06-000297/10 od 20. 7. 2010. godine i Grafičkom izvodu iz urbanističkog plana Brčko distrikta BiH broj UP-I-22-06-000297/10 od 20. 7. 2010. godine.

### **Član 2**

Korisnik eksproprijacije iz člana 1 ove odluke je Brčko distrikt BiH.

### **Član 3**

Sredstva za rekonstrukciju prve dionice Savskog odbrambenog nasipa u urbanim područjima „Vučilovac“ i „Krepšić“ u Brčko distriktu BiH, na dijelu zemljišta označenom kao k.č. broj 1980 (604,568/2, 568/3), 1971 (dio 503), 1990 (dio 686/2 K.O. Vučilovac) K.O. Krepšić, k.č. broj 1712/1 (dio 390), 1723 (dio 390), 1713/2 (dio 360) K.O. Vučilovac u Brčko distriktu BiH, iz člana 1 ove odluke osigurana su u kapitalnom budžetu Brčko distrikta BiH za 2011. godinu.

### **Član 4**

Nalaže se Odjelu za prostorno planiranje i imovinskopravne poslove da izvrši potpunu eksproprijaciju, s ciljem sticanja prava vlasništva parcela koje će služiti kao pozajmište materijala, na dijelu zemljišta označenom kao k.č. broj 385, 386 K. O. Gorice, u Brčko distriktu BiH u skladu s detaljno utvrđenim lokacijsko-tehničkim uslovima.

### **Član 5**

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -448/11

Brčko, 7. septembra 2011. godine

**PREDSJEDNIK  
SKUPŠTINE BRČKO DISTRIKTA BiH**

**Esad Atić**

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za poljoprivredu, šumarstvo i vodoprivredu
5. Odjeljenju za prostorno planiranje  
i imovinskopravne poslove
6. Sektoru za koordinaciju politika i opće poslove  
- Odsjeku za opće poslove
7. Arhivi